

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNO TUŽILAŠTVO/TUŽITELJSTVO

T R A V N I K

Broj: T06 0 KT 0031930 22

Travnik, 21.12.2022.godine

OPĆINSKOM SUDU U BUGOJNO

- Sudiji za prethodno saslušanje -

Na osnovu odredbe člana 45. stav 2. tačka „i“ člana 241 stav 1 Zakona o krivičnom postupku Federacije Bosne i Hercegovine, p o d i ž e m

OPTUŽNICU

Protiv:

1. **Emir Kovačević**, rođen 1994.godine.
2. **Muhamed Hodžić**, rođen 1992.godine.

Zbog postojanja osnovane sumnje da su:

Noću 16.10.2022.godine oko 01,20 sati iz benzinske pumpe Tioil d.o.o. Bila-Vitez, Poslovna jedinica Donji Vakuf locirana u ulici 14 Septembar bb u Donjem Vakufu, općina Donji Vakuf, zajedno i po prethodnom dogovoru upotrebom sile protiv neke osobe oduzeli tuđu pokretninu, novac sa ciljem da njenim prisvajanjem pribave sebi protivpravnu imovinsku korist i da je protivpravno prisvoje, što su i htjeli, na način da su sa pmv NN marke i registarskih oznaka se dovezli u neposrednu blizinu benzinske pumpe gdje su se maskirali tako što je Muhamed Hodžić preko glave i očiju navukao kapu koju mu je prethodno pripremio Emir Kovačević, a preko usta i nosa medicinsku masku, a Emir Kovačević preko glave i lica je omotao crnu majicu koju je prethodno pripremio, a zatim su maskirani ušli kroz otključana vrata u benzinsku pumpu u kojoj su zatekli radnika A. Š. koji je sjedio za stolom kome se Emir Kovačević odmah obratio riječima povišenim tonom „ovo je pljačka“, te mu prišao i upotrebom fizičke snage rukama snažno ga odgurnuo od stola, a zatim ga na silu uveo u prostoriju ureda i odmah ga snažno uhvatio za ruku i zavrnuo je iza njegovih leđa, a zatim ga tijelom pritisnuo uza zid i tako ga držao, za koje vrijeme je Muhamed Hodžić prišao kasi u kojoj se nalazio novac od dnevnih paazara kojeg je stavio u džep i kako je prethodno od Emira Kovačević koji je ranije radio na toj benzinskoj pumpi saznao na kojem mjestu se nalazi novac od dnevnih pazara, ušao je u prostoriju skladišta gdje je pronašao dvije manje kartonske kutije u kojima se nalazio novac od pazara koje je uzeo i krenuo prema izlaznim vratima, pa kada je Emir Kovačević vidio da Muhamed Hodžić napušta prostor benzinske pumpe pustio je radnika A. Š. i zajedno sa Muhamedom Hodžić napustio lice mjesta, na koji način su sebi pribavili protivpravnu imovinsku korist u iznosu od 9.460,11 KM, a za taj iznos oštetili vlasnika benzinske pumpe.

Dakle, upotrebom sile protiv neke osobe oduzeli tuđu pokretninu s ciljem da njenim prisvajanjem pribave sebi protupravnu imovinsku korist.

Čime bi počinili krivično djelo „Razbojništvo“ iz člana 289 stav 1 u vezi sa članom 31 KZ F BiH.

Shodno odredbi člana 114 KZ F BiH, u vezi sa članom 417 ZKP-a F BiH, predlažemo da se od osumnjičenih solidarno oduzme imovinska korist pribavljena krivičnim djelom i to novac u iznosu od 923,11 KM.

KANTONALNA TUŽITELJICA